

恩施縣志



學

典

考

考

重印《恩施县志》说明

一、《恩施县志》始修于清嘉庆十四年（公元一八〇九年），成书于清同治七年（公元一八六八年）。上溯远古，下迄同治初年。此后百余年间，虽经两次翻印，但流散湮没，存者寥寥。县委书记郭同新同志建议，为保存资料，批判地继承这一珍贵的文化遗产，应重版旧志。我们特将旧志整理校勘，标点断句，重印成书，以供参考。

二、此次整理，系以张闾村一九三七年在北京重印的铅印本为蓝本，并参考了木板旧志残本及其它有关史、志的资料。

三、对书中生僻字，注以直音及拼音，繁体字按规定简化。凡书名、诗文篇名，均加标《》，衍字标符，于衍字上加「」，脱字标符，于脱字上加□；错字标符，于错字下加（），其它标点照常例办理。

四、此次整理重印工作，承恩施地区图书馆、档案馆及恩施市新华印刷厂等单位大力支援，特致以感谢！由于我们水平有限，错误在所难免，尚请读者予以指正。

恩施县地方志编纂委员会

一九八二年七月十五日

恩施县地方志编纂委员会负责人、顾问及工作人员

主 任 胡元春 恩施县县长

副 主 任 柳昌权 中共恩施县委副书记

副 主 任 李先池 恩施县副县长

副 主 任 肖忠信 恩施县人民武装部副部长

副主任兼
办公室主任 姚正维 恩施县科学技术委员会主任

副主任
办公室 李长荣 恩施县人民法院副院长

张明达 考古工作者

首席顾问 刘厚章 恩施县政协副主席，恩施一中原校长。

顾 问 吴定源 湖北省政协委员，恩施县政协副主席，恩施高原原教导主任。

顾 问 刘文章 恩施县政协委员，恩施一中原语文教研组组长。

顾 问 段农娱 恩施地区图书馆馆员

顾 问 万汉民 恩施县政协委员，恩施县第八中学文史教师。

顾 问 郑 正 史志研究工作者

校 对 李涛香 恩施市新华印刷厂

孙邦复 恩施地区科学技术委员会

刘家虎 恩施地区特产局

涂文安 恩施县第二中学

重印恩施县志序

民国二十年，予随潘笑侯司令回里，适逢杨经曲为恩施县长，倡修县志。司其事者，日以探讨体例为事，久未成功。予以体例应随时代为转移；从前旧志多偏重于考古，对于土地之清查，户口之实录，物产之登记，往往漠不经心，缺少研究，独于人事之变迁，诗文之著述，备极详尽，重在表彰空名，无裨实际。予以县政范围，除却土地、人民、物产、人事而外，别无设施。新修县志，尽可分为土地、人民、物产、人事四编，附以杂记一编，便可完成，初不必拘牵于体例之如何创设也。予意既决，当即搜求地理材料为第一编；编辑之始，悉本旧志，旁及私人记载；迨一经排列，发见种种错误；如山水仅详形状，道里亦多含忽，气候欠缺（*omission*），经纬渺茫；且于崇山峻岭之边区，概无纪录，予于巡视边区期间，深引为憾！原拟尽一年之力，将县属全境实地考察后，再行改编；不意人事不许，去冬忽又北来。约计本县县志自经郑渭川县长于民六补印五百部后，迄今恰二

十年，业无存余，予何时遄返重修，尚无确期，倘不再印，即此区区材料，恐亦难保。爰与尹君仲雅，姚君勉之，在平商筹，照印五百部，作为将来修志之参考云尔。

中华民国二十六年六月 张闾村序于故都

补刊恩施县志序

一邑之志乘，一邑之文献所系也。文献之征，志乘是赖。古者掌邦志有官；祖龙燔诗书，独保图籍，鄴侯入关，故得而收之。若是乎国祚虽有改移，邦志固无废弃也。施地介在蛮疆，然秦、汉以来，久已列入版图，登诸郡县，文明所启，历史可稽；如巴蔓子之矢忠，荒茔尚在；尹道真之讲学，遗泽堪寻。亭修问月，李供奉之豪慨如新；桥访登龙，詹词科之文名独冠。以及名流显宦，畸士高人，懿行嘉言，笔不胜纪，斯皆灵秀所钟，岂第山川生色已哉！禧自丙辰初冬承乏斯邑，下车未既，即搜求志乘而读之，见已残阙不全，遍访都人士，得其版片之所在，庋藏劝学所中；民国军兴，防营驻焉，亟商之军事长官，清检旧板，得什七八，朽蠹半之。因思此志成于同治初叶，去今不过五十余稔，补缀尚易，爰征初印本，校其脱，勘其讹，或旁采以正之。「郭公」「夏五」，间存阙文，「淮雨」「别风」，庶无疑谊。匝月之间，于旧志幸成完帙。适奉

部令，赓续纂新，邀请在籍乡绅，分门任事，并函告宦游于外者。所欣文献有征，计序程功，杀青之期当不远也。谨书补刊之旨以为之序。丁巳仲秋秋月，浙东郑永禧、渭川、甫识于五福堂。

序

将欲考历代沿革之制，昭后世法守之规，则邑之有志，由来尚焉。然建置更则疆索异，土地辟则田货异，涵濡久则风俗又异。援古证今，为治绩光。修志洵非易易也。恩施在前代为郡、为州、为县，变置已自不常；迄

国朝改卫设县，隶府施南，为附郭首邑。数十年休养生息，沐浴

圣化，其疆索之厘定，田货之蕃滋，风俗之醇美，更有蒸蒸日上者。大令多君，曩岁两任斯邑，见旧志或缺焉不载，或略焉不详，有志修焉，而未之逮。甲子冬奉 方伯修志之檄，适多君三莅斯土。于是，举其先后任之所见所闻者，进诸邑宿而纂核之。复又博采旁搜，期于信今传后。草创甫定，旋调任去。接任罗君，悉心参考，踵竟其事。书成，以稿示余，并问序焉。余方锐意兴废，阅其书，文协体裁，事符实录，洵足考历代沿革之制，昭后世法守之规。异日者，

圣天子采风问俗，不遗遐陬；凡以备掌故而资参稽者，胥于是乎在。则多君之有志竟成，与诸君之相与有成，而余亦乐为之观厥成也，于是乎书。

施南府知府夏锡麒撰

序

昔子朱子知南康，下车即首阅其方志，论者谓为知务。盖政治之得失，于民风见之。

疆域既殊，民皆各有其风气，以成其俗。修政教者，不备察夫盛衰升降之故，亦安能得所利病而缓急轻重以布之。此周官外史掌邦国之志，所以为后世考政问俗计，非徒绘其山川，扬其辞华，仅作鸡次之典而已。恩施在施郡为附郭县，其地去省较远，舟车之所不通。余自戊午捧檄入山，即取其旧志而一再读之，见夫山川道里之迷离，田赋经制之同异，风俗沿革之舛(chuan chuan)遗，与见今所行者，十不得其二三焉。询诸人士，金曰：明季兵燹(xian)，载籍无存，仅有王氏卫志抄本一册，于前代沿流已不能悉张。志修于嘉庆年，亦未设局采访，惟就政府后约略言之，无一语及于卫事者，其他更可知矣。罗氏府志载恩施一邑稍详，然王郡伯谓其略于近今，犹非完书，故捐廉延绅，意将补其不及。乃开局未久，罗君以事去官，王公亦擢观察而行，遂携其稿于吴中付锲(qie)，实皆未成之书。

也。今夫恩邑之志，本不同于他邑。他邑县自为县，详一县之事斯已耳。恩施在前代为郡、为州、为县，已自变置不常；而省县入州，改州为卫，又改卫为县，改县为府，其间或属郡治，或属州治，或属卫治。作志者苟无体例以酌乎其中，又于府志奚别。余方欲与二三君子，究厥指归，以补缺拾遗，乃粤贼内窜，戎事倥偬，迄无暇晷。同治初元，防剿甫撤，余又以调剧出山。凡所欲见诸施行者，迫不及待也。甲子秋，三莅斯土时，逢我郡伯夏公勤政造士，百废俱修；而藩宪亦以修志之檄，下诸郡县，于是，谕集邑绅，博采遐搜，踵旧志而增修之。虽不足为一隅之完书，然授之行人，以上答

大宪之嘉命。且以副郡伯废坠咸修之盛德，并质诸后之莅斯土者。虽或指余之固陋，而例以子朱子下车阅志之义，庶亦谓为先务之当急也哉！

同治三年，岁次甲子孟春月，升用同知直隶州知恩施县长白多寿撰。

序

星分翼、轸，地介衡、湘；上控三巴，下通七泽。溯沙渠之疆域，考夷水之源流；隶楚北之宏图，属施南之首县。文澜叠涌，江光绕郭以流清；秀气特钟，峰影凌波而映碧。睹万山兮，云布鸟道回环；合六邑兮，星罗犬牙相错。亭登问月，仙人诗酒留名；山对客星，游子乡关志感。画屏则丹岩排列，文笔则翠嶂峥嵘。涌龙洞之清潭，波翻白石；入麟溪之书院，士萃青衿。至若山号蟠龙，池名洗马；楼登太白，阁上澄清。读易岩边，时寻古迹；劝农台上，軫念民艰。山叠叠兮连珠，峰重重兮积玉。名迹原多，可纪胜事，亦足追寻。虽盛美堪扬，固在通都大邑；而传闻必录，不遗僻壤遐陬。恩邑自改土以来，设县而后；沐

帝德之深厚，幸文教之渐彰。采访之力当勤，记载之书难缺。是故疆场之地纪其界，山川之胜志其名，远而昔贤何可湮其著述，近而名士亦可记其留题。志昭忠则大纲以举，

劝忠之道以明；志节孝则正气常存，教孝之情以笃。而况川盘桓以毓秀，水曲折以效灵。文运渐近昌明，人事颇增蔚起。爰合名区胜迹，互为参详；懿行嘉言，时加考订。采鸿文于藻翰，行简垂青；列雁字于芸编，松烟晕碧。因于已成之帙，告竣之编，检阅霜晨，辛勤不憚；参稽雪夜，子细维殷。恒虑晋豕之讹，深辨鲁鱼之误。创河嫌草，尚祈修饰有资；辞苦不华，更须润色为待。是为序。

同治七年，岁次戊辰仲春月

盐运使銜、尽先补用府、权施南府事、沔阳吴久安撰

序

邑志之成，岂易事哉！夫惟王者混一车、书，定疆索，均赋税，易服色，辨厥制度，等威率土之内，悉主悉臣，是遵是循，罔敢自外夫！是以有分土无分民，垂诸史册，昭示来兹，永永万年，炳若日星焉。然而五方之生齿不齐，习俗各异，其间版图之广狭，山川之夷险，物产之盈虚，与夫衣冠荟萃，言语嗜好，田夫野老之遗轶，文人学士之讴吟，各自为风，蕃变百出，诚有非史册所能备载者；故夫修志之与修史，其体虽殊，而其功实相羽翼而不可偏废者也。邑志之成，岂易事哉！丁卯仲秋，余由台郎出守施郡，仰体

圣天子丕冒无疆，軫念元元至意，下车后即访耆老，采风俗，取邑志而阅之，见其序载精详，体裁明密，足备一方之文献。复恐亥豕鲁鱼，有乖大雅，更加参订，悉心去留，付诸梨枣，以符信史之义。是稿草创于前，今多君踵成于继任罗君，而折衷于前守夏云舫先生。余窃叹诸公之不辞劳瘁，有志竟成，而又先获我心之为快也。至于修志之原委，旧